

SCRIPT OF MORNING GOJRI NEWS BULLETIN 19DEC 2025 1015HRS

مارننگ گوچری نیوز بولیٹن 19 دسمبر 2025

یوہ آکاشوانی جموں بے محمد اکرم تیں خبر سُنو۔

LG SECURITY CONF

لیفٹیننٹ گورنر موج سنہا نے گزشتہ روز جموں مانہ پولیس کا ڈائریکٹر جنرل تے انسپکٹر جنرل غی کانفرنس غی طرز ور ایک یو ٹی سطحی حفاظتی کانفرنس غی صدارت کی اس کانفرنس غو موضوع وکست بھارت حفاظتی صحت تھو اُنہاں نے اس موقع ور دہشت گردان اُن گا امدادی نظریات گا حاصل افراد غے خلاف مربوط کارروائی کی ضرورت ور زور دتو تانجے دہشت گردی گا پورہ ماحولیاتی نظام نانہ ختم کیو جاسکے لیفٹیننٹ گورنر نے کہیو بے کہ جموں کشمیر پولیس فوج خفیہ ایجنسی تے مرکزی لدمڈ پولیس غے بشکار پچھلا 6 سالہ مانہ مضبوط حفاظتی تال میل نے دہشت گردی گا تشدد سرگرمی دہشت گردا غی تعداد تے وی بھرتاں مابہ زبردست کمی کی بے اپنہاں نے ابھرتی وی حفاظتی للکارا گا مقابلہ واسطے مصنوعی ذہات سمیت فعال حکمت عملیاں تے جدید تکنیک نانہ اپنان ور وی زور دتو۔

HEALTH NITI AAYOG

جموں کشمیر نیتی آیوگ گا تعاون سنگ ایک جامع اصلاحاتی منصوبہ غی تشکیل غے نال صحت غی خدمات غی ایک بڑی توسیع گو مشاہدو کرن واسطے تیار بے نیتی آیوگ گا رکن ڈاکٹر وی کے پول غے نال ایک اعلیٰ سطحی میٹنگ غے دوران اس منصوبہ ور تبادلہ خیال کیو گیو جت چیف سیکرٹری اٹل ڈلو وی موجود تھا منصوبہ پوری یو ٹی مانہ حکمت عملی نال مداخلتیں تکنیکی یکجائی تے صلاحیت غی تعمیر غے ذریعے صحت غی دیکھ بھال غی فراہمی نانہ مضبوط بنان ور مرکز بے ڈاکٹر پال نے ویلے سر عمل درآمد کی یقین دہانی کروائی تے ایک مرکزی نظام ماڈل غی سفارش کی اس دوران چیف سیکرٹری نے سنیر فکٹلی نانہ برقرار رکھن تے خصوصی صحت غی ریکھ بھال خدمات نانہ دور دراز تے سرحدی علاقہ تک پُجان ور زور دتو۔

RUSTAM E JK

جموں کل یعنی 20 دسمبر خانہ ایم اے ایم سٹیڈیم مابہ اپنی پہلی بین العقوامی دنگل تے رستم جموں کشمیر چیمپین شپ غی میزبای کرن واسطے پوری طرح تیار بے جس نال کھیڈان گا شوقین تے عام لوکاں مانہ جوش و خروش پیدا ہوو بے یوہ پروگرام پہلاں 17 دسمبر نانہ ہونو تھو لیکن نامناسب حالات غی وجہ سنگ تاریخان نانہ تبدیل کرنو پیو جموں کشمیر کھیڈان بارے کونسل غی طرفوں جموں کشمیر اڈین سٹائیل رسلنگ ایسوسی ایشن کا اشتراک نال منعقد ہون آلا اس یونٹ گو مقصد نوجوانان غی معروفیت سحت فٹ نس نانہ فروغ دینو بے تے دیسی کُشنی گا بھر پور ورثہ نانہ محفوظ رکھنو بے رسلنگ نانہ عام طور ور دنگل کشتی یا پہلوانی غاناں

نال جانیو جے تے یا جموں غی ثقافتی میراث گو ایک لازمی حصہ تے اس
نانہ دیہی تے سرحدی علاقہ ماہ نسلان تے پالیو جارہیو ہے۔

Ist GEN Z POST OFFICE

جموں کشمیر نے ایمر وجے پور کیمپس مانہ اپنا پہلا جنریشن زیڈ پوسٹ آفس گا
افتتاح نال ایک اہم سنگ میل حاصل کیو ہے کیمپس پوسٹ دفتر نانہ جدید بنان
واسطے محکمہ ڈاک گا اقدام غے تحت شروع کی گئی اس سہولت گو مقصد
روایتی ڈاک خدمات نانہ نوجوانان ور مرکوز تکنیک نال چلن آلا مرکز مانہ تبدیل
کرنو ہے جنریشن زیڈ غی ضروریات نانہ پورا کرن واسطے ڈیزائن کیا گیا پوسٹ
آفس مانہ عصری ماحول ڈیجیٹل ادائیگی گا اختیارات تے آسان سروس ڈیلیوری
شامل ہے یاہ ایک ہی چھت غے تھلے ڈاک بنکنگ تے انشورنس خدمات تک مربوط
رسائی بھی فراہم کرے جس نال طلبہ تے عملہ غی سہولت مانہ اضافو وے۔

DIV COM NH

صوبائی کمشنر جموں راکیش کمار نے پورا جموں صوبہ مانہ بڑا قومی شاہراہ
منصوبیاں ور کم کاج غو جائیزو لیو ان منصوبا مانہ امرتسر کٹرہ ایکس پریس وے
جموں پونچھ قومی شاہراہ تے دوجی اہم سڑک کم شامل ہی جن ور کم کاج ای ایچ
اے آئی، این ایچ آئی ڈی سی ایل تے بی آر او غی طرفوں چلائو جارہیو ہے انہاں
نے اس موقعہ ور بھگوتی نگر فلائی اوور گا کم نانہ جلد مکمل کر غی ہدایت کی
تے نال ہی جموں پونچھ قومی شاہراہ گذارو ٹنل گا دوئے پاسہ کھولن واسطے کیو
اس دوران باقی ماندہ کم کاج کی ہموار تکمیل نانہ یقینی بنان واسطے زمین حاصل
کرن تے محکمہ جنگلات غی طرفوں منظوری گا بازہ مانہ مسائل ور وی گل بات
کی گئی ہے۔

WEATHER

محکمہ موسمیات نے اج جموں کشمیر غا کئی حصاں مانہ بادل چھایا رین تے
ہلکی توں درمیانی درجہ غی برف باری تے بارش غا امکان بارے کہیو ہے۔ 20 تے 21
دسمبر نانہ پورا خطہ مانہ عام طور ور بادل چھایا رین گا۔ 21 دسمبر نانہ کشمیر
غا کچھ علاقہ جسراں کہ کپواڑہ، بانڈی پورہ تے گاندربل مانہ ہلکی برف باری غی
توقع ہے۔ تے جموں کشمیر غا میدانی علاقہ مانہ ہلکی بارش غی توقع ہے۔ سفر
کرن آلاں نانہ مشورو دت و گیو ہے کہ صفر کرن تیں پہلاں موسم غی تازہ
جانکاری حاصل کریں تے انتظامیہ غی طرفو جاری کردہ ہدایات ور عمل کریں۔

HC WINTER VACATION

جموں کشمیر تے لداخ ہائی کورٹ نے سال 2026 واسطے سرمائی چھٹیاں غو باقاعدہ
اعلان کر دتو ہے۔ یوہ حکم رجسٹرار جنرل غی جانب تیں جاری کیو گیو ہے،
نوٹفکیشن غے مطابق ہائی کورٹ مانہ پہلی جنوری تیں 24 جنوری 2026 توڑی
سرمائی چھوٹیاں وین غی۔ پہلی جنوری تیں 10 جنوری 2026 توڑی ہائی کورٹ
واسطے مکمل طور ور، کم بند رہن، غو عرصو قرار دتو گیو ہے۔ حکم مانہ دسیو

گیو ہے کہ جموں کشمیر ہائی کورٹ مانہ چھٹیاں غے دوران فوری نوعیت غا
مقدمات غی سماعت واسطے، مقررہ جج نامزد کیا ہیں۔
